

續日本紀

三

和

冊一	第	部	國
數	一	部	之
二	部	部	部
〇	冊	號	

滋賀縣立膳所中學校

國 漢 門
函
段
號

1342
vol 3

續日本紀卷第五

起和銅三年正月盡五年十二月

從四位下行民部太輔兼左兵衛督皇太子學士臣菅野朝臣真道等奉 勅撰

日本根子天津御代豐國成姬天皇元明天皇 第四十三

三年春正月壬子朔太皇御太極殿受朝集

人蝦夷等亦在列左將軍正五位上大伴宿祢

旅人副將軍從五位下穗積朝臣老右將軍正

五位下佐伯宿祢石湯副將軍從五位下小野

朝臣馬養等於皇城門外朱雀路東西分頭陳



列騎兵引隼人蝦夷等而進○戊午授无位門
部王葛木王從六位上神社忌寸河内並從五
位下○壬戌制授位者不得通討前考散位從
四位下高橋朝臣笠間卒○甲子授无位鈴鹿
王交部王並從四位下正六位上吉野連冬治
良黃文連益田邊史比良夫刀利康嗣正六位
下大倭忌寸五百足山田史御方從六位上路
真人麻呂押海連人成車持朝臣益下毛野朝

臣人並從五位下○丙寅太宰府獻銅錢○丁
卯天皇御重閣門賜宴文武百官并隼人蝦
夷奏諸方樂從五位已上賜衣一襲隼人蝦夷
等亦授位賜祿各有差○戊寅播磨國獻銅錢
日向國貢采女薩摩國貢舍人○庚辰日向隼
人曾君細麻呂教諭荒俗馴服聖化詔授外
從五位下○二月壬辰信濃國疫給藥救之○
庚戌初元守山戶令禁伐諸山木○三月戊午

制輒取畿外人用帳內資人自今以去不得更
然待官處分而後充之○辛酉始遷都于平城
以左大臣正二位石上朝臣實為留守○笈四
月辛巳朔日有蝕之○辛丑陸奧蝦夷等請賜
君姓同於細戶許之○壬寅奉幣帛于諸社祈
雨于名山太川○癸卯以從三位長屋王為式
部卿從四位下多治比真人大縣守為宮內卿
從四位下多治比真人水守為右京大夫從五

位上采女朝臣比良夫為近江守從五位上佐
太忌寸老為丹波守從五位下山田史御方為
周防守○己酉參河遠江美濃三國飢並加賑
恤○五月戊午以從五位下大伴宿祢牛養為
遠江守○六月辛巳太宰大貳從四位上巨勢
朝臣益瀆卒○秋七月丙辰左大臣舍人正介
位下牟佐村生相摸依文武百官因奏賀辭賜
祿各有差京裏百姓戶給穀一斛相摸進位二

階賜詔二十疋。布二十端。○九月己丑禁天下
銀錢。○冬十月戊寅朔日有蝕之。○辛卯正六
位上黃文連大伴卒。日詔贈正四位下并吊賻
之以至申年功也。○
四年春正月丁未始置都亭驛山背國相樂郡
毘田驛綴喜郡山本驛河內國交野郡楠葉驛
攝津國鳴上郡大原驛嶋下郡殖村驛伊賀國
阿閉郡新家驛。○二月辛丑從四位下上師宿

祢馬手卒。○三月辛亥伊勢國人磯部祖父高
志二人賜姓渡相神主割上野國甘良郡織裳
韓級矢田大家綠野郡武美片野郡山等六鄉
別置多胡郡。○夏四月丙子朔日有蝕之。○庚
辰大倭佐渡二國創並加賑給。○壬午詔叙
文武百寮成選者位從五位上熊凝王長田王
並授正五位下正四位下意美磨巨勢朝臣麻
呂並正四位上從四位上石川朝臣宮麻呂正

四位下從四位下息長真人老從四位上正五位上猪名真人石前路真人大人大伴宿祢旅人從五位上石上朝臣豐庭並從四位下正五位下忌部宿祢子首阿倍朝臣廣庭石川朝臣難波磨石川朝臣石足大宅朝臣金弓太朝臣安麻呂多治比真人三宅麻呂從五位上笠朝臣麻呂並正五位上從五位上多治比真人吉提多治比真人吉備上毛野朝臣安麻呂佐伯

宿祢百足阿倍朝臣船守采女朝臣比良夫阿倍朝臣首名大神朝臣狛麻呂曾祢連足人並正五位下從五位下藤原朝臣武智磨藤原朝臣房前巨勢朝臣正子祖父多治比真人縣守縣犬養宿祢筑紫小治田朝臣安麻呂中臣朝臣人足平群朝臣安麻呂並從五位上正六位下池田朝臣子首石川朝臣足人從六位上阿倍朝臣駿河從六位下栗田朝臣必登正七位上

中臣朝臣東人正七位上高橋朝臣毛人正六位上冬三イニ民忌寸表志比黃文連備鍛師連大隅道君首名從六位上置始連秋並從五位下○甲申大倭國芳野郡始置大小領各一人主政二人主帳一人○庚寅宮內卿從四位下多治比真人水守卒○乙未詔賀茂祭日自今以後國司每年親臨檢察焉○五月辛亥制帳內資人雖名入式部不在豫選之限既叙位記者許

之職分不在此例唯聽帳內三分之一資人四分之一其雖叙位逗留方便違主失礼即追其位還之本貫若得他處位者不退焉或本主亡者不得豫選皆還本色但欲迴入者聽以外加令尾張國疫給醫藥療之○乙卯從四位下當麻真人智得卒○己未以穀六升當錢一文令百姓交關各得其利先是禁取畿外人充帳內資人至是始許之○六月乙未詔曰去年霖

兩交穗既侍シテ今復元阜稻田殆損ス憐此蒼生仰
 彼雲漢今見シ兩有勝ニシテ衆瑞宜シ黎元同悅共賀
 天心仍賜文武百寮物有差シ閏六月丙午始
 五位已上卒者即日申送シ弁官シ丁巳遣批文
 師于諸國始教習織錦綾シ甲子宗形部加麻
 麻伎賜姓穴太連シ乙丑中納言正四位上兼
 神祇伯中臣朝臣意美磨卒シ秋七月甲戌朔
 詔曰張設有令年月已久矣然レ總行ニ一二不レ

意美磨卒

悉行良由諸司怠慢不存恪勤逐使名充負數
 空廢政事若有違犯而相隱考第者以重罪之
 無有所原シ○戊寅山背國相樂郡狛部宿祢奈
 賣一產三男賜緇二疋綿二屯布四端稻二百
 束乳母一人シ○壬午尾張國守從五位下勳四
 等佐伯宿祢大麻呂卒シ○八月丙午酒部君大
 田梗磨石隅三人依庚寅年籍賜鴨部姓シ○九
 月癸酉朔日有蝕之シ○甲戌詔曰凡衛士者

非常之設不虞之備必須勇健應堪為兵而悉
皆羸弱亦不習武藝徒有其名而不能為益如
臨大事何堪機要傳不云乎不教人戰是謂棄
之自今以後專委長官簡黜勇敢便武之人每
年代易焉○丙子 勅頒聞諸國役民勞於造
都奔已猶多雖禁不止今宮垣未成防守不備
宜權立軍營禁守兵庫因以從四位下石上朝
臣豐庭從五位下紀朝臣男人粟田朝臣必登

等為將軍○冬十月甲子 勅依品位始定祿
法職事二品二位各絕三十疋絲一百絢錢二
千文主三位絕二十疋錢一千文臣三位絕十
疋錢一千文主四位絕六疋錢三百文五位絕
四疋錢二百文六位絕七位各絕二疋錢四十文
八位初位絕一疋錢二十文番上大舍人帶劔
舍人兵衛史生省掌召使門部物部主師等並
絲二絢錢十文女亦准此文 詔曰夫錢之為

用所以通財貨易有无也。當今百姓尚迷習俗未解其理。僅雖賣買猶無蓄錢者。隨其多少節級授位。其從六位以下蓄錢有二十貫以上者進位一階。叙二十貫以上進二階。叙初位以下每有五貫進一階。叙大初位上。若初位進入從六位下。以二十貫為入限。其五位以上及正六位有十貫以上者。臨時聽勅。或借他錢而欺為官者。其錢沒官。身徒一年。與者同罪。夫申蓄

錢狀者。今年十二月內。銀狀并錢申送。訖太政官議奏。令出蓄錢。勅有進位階家存蓄錢之心。人成遂繼之趣。恐望利百姓。或多盜鑄於律私鑄。猶輕罪法。故權立重刑。禁斷未然。凡私鑄錢者。斬從者。沒官家口。皆流五保。知而不告者。與同罪。不知情者。減五等罪之。其錢雖用。悔過自首。減罪一等。或未用。自首免罪。雖容隱人知之。不告者。與同罪。或告者。同前首法。○十一月

五年春正月己酉詔曰諸國役民還鄉之日
食糧絕乏多饑道路轉填滯壅其類不少國司
等宜勤加撫養量賑恤如有死者且加埋葬錄
其姓名報本屬也○戊子授无位上道王大野
王倭王並從四位下无位額田部王壹志王田
中王並從五位下正五位上佐伯祢宜磨巨勢
朝臣祖父並從四位下從五位上穗積朝臣山
守巨勢朝臣久須比大伴宿祢道足佐太忌寸

老並正五位下紀朝臣男入笠朝臣吉磨多治
比真人廣成大伴宿祢磨並從五位上從六位
上大神朝臣忍人鴨朝臣堅磨正六位上佐伯
宿祢果安小治田朝臣月足正六位下額田首
人足從六位下後部王同並從五位下○壬辰
廢河內國高安烽始置高見烽及大倭國春日
烽以通平城也○二月戊午詔賜京畿高年
鰥寡惻獨者絀綿米塩各有差高年僧尼亦同

施焉○三月戊子美濃國獻木連理并白鴈○
笈四月丁巳詔先是郡司主政主帳者國司
便任申送名帳隨而處分事有率法自今以後
宜見其正身准式試練然後補任應請官裁○
五月壬申駿河國疫給藥療之○癸酉禁六位
已下以白銅及銀飭革帶○辛巳詔曰諸國
大統三年賑貸者本為恤濟百姓窮乏今國郡
司及里長等緣此恩借妄生方便害政蠹民莫

斯為甚如願潤身在收利者以重論之罪在不
赦○甲申初定國司巡行并遷代時給糧馬脚
夫之法語具別式太政官奏備郡司有能繁殖
戶口增益調庸勸課農桑人少遺乏禁斷逋逃
肅清盜賊籍帳皆實戶口無遺制斷合理獄訟
無冤在職匪懈立身清情其居官貪濁處事不
平職用既闕公務不舉侵沒百姓請託公施肆
行奸猾以求名官田疇不開城關租調籍帳多

虛口丁無實逋逃在境畋遊無度其又百姓精
務農桑產業日長助養窮乏存活獨悃孝悌聞
閭材識堪幹其若有郡司及百姓准上三條有
令三句以上者國司具狀附朝集使舉聞奏可
之○し酉詔諸司主典以上并諸國朝集使
等曰制法以來年月淹久未熟律令多有過失
自今以後若有違令者即准其犯依律科斷其
彈正者月別三度巡察諸司糾正非違若有廢

關者仍具事狀移送式部省日勘問又國司因
公事入京者宜差堪知其事者充使使人亦宜
問知事狀并忽知在位以來年別狀迹隨問并
答不得礙滯若有不盡者所由官人及使人並
准上科斷自今以後每年遣巡察使檢校國內
豐儉得失宜使者至日意存公平直告莫隱若
有經問發覺者科斷如前凡國司每年實錄官
人等功過行能并景迹皆附考狀申送式部省

省宜勤會巡察所見○丙申太政官處分凡位
記卯者請於太政官下諸國府卯者申於弁官
○六月己巳地震○秋七月壬午伊賀國獻去
狐令伊勢尾張參河駿川伊豆近江越前丹波
但馬因幡伯耆出雲播磨備前備中備後安藝
紀伊阿波伊豫讚岐等二十國始織綾錦○
甲申播磨國大目從八位上樂浪河內勒建正
倉能効功績進位一階賜絕一定布三十端○

八月庚子太政官處分諸國之郡稻及少給用
之日有致廢闕宜准國大小割取大稅以充郡
稻相通出舉所息之利隨即充用事須取足勿
令之少但割配本數不令減損自今以後永爲
恒例○庚申行幸高安城○九月己巳詔曰
故左大臣正二位多治比真人嶋之妻家原音
那贈右大臣從二位大伴宿祢御行之妻紀朝
臣音那並以夫存之日相勸爲國之道夫亡之

後固守同墳之意朕思彼貞節感歎之深宜此
二人各賜邑五十戶其家原音那加賜連姓又
詔曰朕聞舊者相傳云子年者穀實不宜而天
地垂祐今茲大稔古賢主有言祥瑞之美無以
加豐年况復伊賀國司阿直敬等所獻黑狐即
合上瑞其文云王者治致太幸則見思與衆庶
共此歡慶宜大赦天下其旗竊二盜常赦所不
免者並不在赦限但私鑄錢者降罪一等其伊

賀國司目己上進位一階出瑞郡免庸獲瑞人
戶給復三年之天下諸國今年田租并大和河
內山背三國調並原免之庚午授正六位上
阿直敬從四位下辛巳親成法師爲大僧都
并通法師爲少僧都觀智法師爲律師○乙酉
以從五位下道君首名爲遣新羅大使○己丑
太政官議奏曰建國辟疆武功所貴設官撫民
文教所崇其北道蝦狄遠憑阻險實縱狂心屢

置出
初國

驚邊境自官軍雷擊以賊霧消狄部晏然皇民
無擾誠望便乘時機遂置十國式樹司宰永鎮
百姓奏可之於是始置出羽國○乙未禁取三
關人為帳內資人○冬十月丁酉朔割陸奧國
最上置賜二郡隸出羽國焉○癸酉禁六位已
下及官人等服用蘇芳名并賣買○丙辰從四
位上息長真人老卒○甲子遣新羅使等辭見
○乙丑詔曰諸國役夫及運脚者還鄉之

糧食之少無由得宜割郡稍別貯便地隨役
夫到任令交易又令行旅人必齎錢為資因息
重擔之勞亦知用錢之便○十一月辛巳加左
右弁官史生各六人通前十六員○乙酉從三
位阿倍朝臣宿奈磨言從五位上引田朝臣迹
閉正七位上引田朝臣東人從七位上引田朝
臣船人從七位下久努朝臣御田次少初位下
長田朝臣大麻呂元位長田朝臣多初留等六

人實是阿倍氏正宗與宿祢奈磨無異但緣居
處更成別氏於理斟酌良可哀於今宿奈磨特
蒙天恩已歸本姓然此人等未霑聖澤冀望
各正別氏俱蒙本姓詔許之○閏十二月辛
丑制諸司人等衣服之作或褊狹小或裾太長
又衽之相過甚淺行趨之時易開如此之服大
成無禮宜令所司嚴加禁止又无位朝服自今
以後皆著襴黃衣襴廣一尺二寸以下又諸國
所送調庸等物以錢換宜以錢五文准布一常
○己酉東西二京始置史生各二十員○丁巳有
司奏自今以後公文錯誤內仰著事須改正
者少納言宜申官長然後更奏仰之

續日本紀卷第五終

顯日本跡每歲正務

皇少陳言宜甲寅身於新皇...
○日酉東西二京...
○丁丑...

續日本紀卷第六

起和銅六年正月盡靈龜元年八月

從四位、行民部太輔兼左兵衛督皇太子學士臣菅野朝臣真道等奉 勅撰

日本根子天津御代豐國成姬天皇

元明天皇

六年春正月戊辰備前國獻白鳩伯耆國獻嘉

瓜左京職獻裨化為禾一莖○丙子從四位下

行伊福部女王卒○丁亥授正四位上臣勢朝

臣麻呂正四位下石川朝臣麻呂並從三位无

位門部王從四位下无位高安王從五位下正

五位上阿倍朝臣麻呂多治比真人三宅麻呂
藤原朝臣武智麻呂並從四位下正六位下巨
勢朝臣安麻呂正七位上石川朝臣君子從六
位下佐伯宿禰沙彌麻呂正七位上久米朝臣
麻呂正七位下大神朝臣興志從七位下樓井
朝臣麻國正六位上大藏忌寸老綿部連道麻
呂伊吉連古麻呂並從五位下○二月甲午朔
日有蝕之○壬子始制度量調庸義倉等類五
倫事詳具別格○丙辰志摩國疫給藥救之○

三月壬午詔曰任郡司少領以上者性識清
廉雖堪時務而蓄錢乏少不滿六貫自今以後
不得遷任又詔諸國之地江山段阻負擔之
輩又苦行役具備資旅關納貢之恒數減損重
負恐蹙路之不少宜各持一囊錢作當廬給求
省勞費往還得便宜國郡司等募豪富家置米
路側任其賣買一年之內賣米一百斛以上者

以名奏聞又賣買田以錢為價若以他物為價
 田并其物共為沒官或有糾告者則給告人賣
 及買人並科違勅罪郡司不加檢校違十事以
 上即解其任九事以下量降考第國司者式部
 監察計違附考或雖非用錢而情願通商者聽
 之○其四月乙未割丹波國五郡始置丹後國
 割備前國六郡始置美作國割日向國肝坏贈
 於大隅始羅四郡始置大隅國大隅國大和國

疫給藥救之○戊申頒下新格并權衡度量於
 天下諸國○己酉因諸寺田記錯誤更為改正
 一通藏所司一通頒諸國○乙卯授從四位下
 安八萬王從四位上正五位下大石王從四位
 下從五位上益氣王正五位下從四位上多治
 比真人池守王四位下正五位上百濟王遠寶
 從四位下從五位上大伴宿禰男久正五位上
 從五位下賀茂朝臣吉備麻呂正五位下笠朝

臣長日穗積朝臣老小野朝臣馬養調連淡海
倉垣忌寸子首並從五位上讚岐國飢賑恤之
始制五位以上同位階者因年長幼以爲列次
○丁巳制詮衡人物黜陟優劣式部之任務重
他省宜論勲績之日無式部長官者其事勿論
焉○五月甲子畿內七道諸國郡鄉名著好字
其郡內所生銀銅彩色草木禽獸魚虫等物具
錄色目及土地汝墳山川原野名号所由又古

老相傳舊聞異事載于史籍言上○巳巳制夫
郡司太少領以終身爲限非遷代之任而不善
國司情有愛憎以非爲是強云致任集理解却
自今以後不得更然若齒及縱心氣力尅弱筋
骨衰耗神識迷亂又久沉重病起居不漸發狂
言無益時務如此之類披訴心素歸田養命於
理合聽宜具得手書陳藤所司待報處分撰擇
替補○癸酉相摸常陸上野武藏下野五國輸

調元來是布也。自今以後絕布並進。又令大倭
參河並獻雲母伊勢水銀相摸石流黃白樊石
黃樊石。近江慈石美濃青樊石飛驒若狹並樊
石信濃石流黃上野金青陸奥白石英雲母石
流黃出雲黃樊石讚岐白樊石。○甲戌讚岐守
正五位下大伴宿祢道足等言。部下寒川郡人
物部乱等二十六人。庚午以來並貫良人。但庚
寅校籍之時誤涉飼下之色。自加覆察。就令自

理支證的然。已得明雪。自麻以來未附籍貫。故
皇子命宮檢括飼下之便。誤認乱等為飼下焉。
於理斟酌何足。憑擬請從良色許之。○丁亥始
令山背國點乳牛戶五十戶。○六月庚戌從七
位上家原河內正八位上家原大真大初位上
首名等三人並賜連姓。○辛亥右京人支半于
刀河內國志紀郡人刀母離余穀色奈並染作
暈襴色而獻之。勞各授從八位下。并賜絕十疋。

絲四十絢端塹十籠穀一石斛。○癸丑始置大膳職。史生四員。○乙卯行幸甕原離宮。○戊午還宮。○秋七月丙寅詔曰授以勲級本擬有功若不優異何以勸獎今討隼賊將軍并士卒等戰陣有功者一千二百八十餘人並宜隨勞授勲焉。○丁卯大倭國守太郡波坂鄉人大初位上村君東人得銅鐸於長咫野地而獻之高三尺口徑一尺其制異常音協律。勅所司

藏之。○戊辰美濃信濃二國之堺徑道險阻往還艱難仍通吉蕪路。○八月辛丑從五位下道公首名至自新羅。○乙卯大風拔木廢屋。○丁巳以正五位下大伴宿祢道足爲彈正。尹從四位下大石王爲攝津大夫。從五位下榎井朝臣廣國爲參河守。從五位下大神朝臣興志爲讚岐守。從五位下道君首爲筑後守。○九月丁丑造宮卿從四位下大伴宿祢手拍卒。○己卯攝

津職言河邊郡玖左佐村山川遠隔道路險難
 由是太寶元年始建館舍雜務公文一准郡例
 請署郡司許之今能勢郡是也 詔和銅四年
 已前公私出舉稻粟未償上者皆免除之 辛
 巳加大藏省史生六員 冬十月戊戌制諸寺
 多占田野其數無限宜自今以後數過格者皆
 還收之 庚子板屋司班秩ハシ准寮焉蓋改法用司為
板屋司也 丁巳更加民部史生六員 戊午詔

防人赴我時差專使由是驛使繁多人馬並疲
 宜遞送發焉 十一月辛酉伊賀伊勢尾張參
 河出羽等國言大風傷秋稼調庸並免但已輸
 者以稅給之 〇し五貶石川紀二嬪号不得稱
 嬪 丙子 詔正七位上按作磨心能工異才
 獨越衆倍織成錦綾實稱妙麗宜磨心子孫免
 雜戶賜姓栢原村大倭國獻嘉蓮近江國獻木
 連理十一株但馬國獻白雉大政官處分凡諸

司功過者皆申送弁官下式部○乙酉權亮兵
 馬司史生四人○十二月辛卯新建陸奧國丹
 取郡○乙未右大弁石川朝臣宮麻呂薨
 近江朝大臣大紫連子之第五男也○庚子始加中
 務史生十員○乙巳近江國言慶雲見丹波國
 獻白雉仍曲赦二國○己酉始加宮内史生十
 員
 七年春正月壬戌二品長親主舍人親主新田

部親主三品志貴親主益封各二百戶從三位
 長屋王一百戶封租全給其食封田租全給封
 主自此始矣○甲子授正四位下多治比真人
 池守從三位河内王從四位下元位櫻井王大
 伴王佐為王並從五位下從四位下大神朝臣
 安麻呂從四位上正五位上石川朝臣石足石
 川朝臣難波麻呂息部宿祢子首正五位下阿
 倍朝臣首名從五位上阿倍朝臣介閑並從四

位下從五位上船連葛勝正五位下正六位上
春日掠首老正六位下引田朝臣真人小沼田
朝臣豐足山上臣憶良刑義義善吉宜息長真
人臣足高向朝臣大足從六位上大伴宿祢山
守菅生朝臣國益太宅朝臣大國從六位下粟
田朝臣人上津嶋朝臣真鎌波多真人餘射正
七位上津守連道並從五位下○庚午散位從
四位下猪名真人石前卒○巳卯益三品米高

王食封一千戶○甲申令相摸常陸上野三國
始輸絕調但欲輸布許之○丙戌兵部卿從四
位上大_{フカ}神朝臣安麻呂卒○二月己丑朔日有
蝕之○庚寅制以商布二丈六尺為段不得用
常如有蓄常布自授產業者今年十二月以前
悉賣用畢或貯積稍多出賣不盡者便納官司
與和價或限外賣買沒為官物有人糾告皆賞
告者其帶關國司商旅過日審加勘搜附使言

上上總國言皇京遙遠貢調極重請代細布頗省
員擔其長六丈闊二尺二寸每丁輸二丈以三
人成端許之○辛卯詔曰人足衣食共知禮
節身苦貧窮競爲奸詐宜今輸絕絲綿布調國
等調庸以外每人儲絲一疋綿二疋布六段調
十五以上六以資產業十五以下者免使苦乏國郡能加監
察務依數儲者加考一等或里長者免當年調
若以虛妄顯稱國郡司即解見任里長徵調止

掌○丁酉以從五位下大倭忌村五百足爲氏
上令主神祭○戊戌詔從六位上紀朝臣清
人三宅臣藤麻呂令撰國史○辛丑始令出羽
國養蚕○壬寅遣使于七道諸國錄囚徒焉○
閏二月戊午朔賜美濃守從四位下笠朝臣麻
呂封七十戶田六町少掾正七位下門部連御
立大目從八位上山口忌寸兄人各進位階并
從六位上伊福部君荒當賜田二十町以通吉蕪

路也○巳卯行幸甕原離宮○丁酉沙門義法
還俗姓大津連名意毗登授從五位下爲用古
術也○壬寅隼人氏今分年荒野心未習憲法因移豐
前國民二百戶令相勸導也○し卯授從五位
下上毛野朝臣廣人大伴宿祢牛養並從五位
上○其四月辛未中納言從三位兼中務卿勳
三等小野朝臣毛野薨○小治田朝太德冠妹子之
孫小錦中毛人之子也○戊寅制諸國庸綿丁

五兩但安藝國絲丁二兩遠江國絲三兩並以
三町成屯納也○壬午太政官奏諸國租食大
小分所積數比較文案無所錯失因斯國司相
替之日依帳兼付不更勘驗而用多欠少從立
虛帳本無實數良由國郡司等不檢校之所致
也自今以後諸國造倉率爲三等大受肆仟斛
中參仟斛小貳仟斛一定之後勿虛文案○辛
巳給多禰嶋印一圖○五月丁亥朔大納言兼

大將軍年三位大伴宿禰安麻呂（安麻呂）薨帝深悼之
詔贈從二位安麻呂（安麻呂）難波朝右大臣大紫長德
之第六子也○癸丑壬左國人物部毛虫咩一
產三子賜穀四十斛并乳母○六月己巳若帶
日子姓爲觸國諱改因居地賜之國造人姓除
人字寺人姓本是物部族也而庚午年籍因居
地名始号寺人疑涉賤隸故除寺人改從本姓
矣○甲戌太政官處分職分資人若本主亡并

以理去官者不限年遠近並留省焉如本主去
官亦有復任以舊人充焉○戊寅○詔曰頃者
陰陽殊謬氣序乖違南畝方興膏澤未降百姓
甲園徃々損傷宜以幣帛奉諸社祈雨于名山
大川庶致嘉澍勿虧農桑○庚辰皇太子加元
服○癸未大赦天下自和銅七年六月二十八
日午時已前大辟罪以下罪無輕重已發覺未
發覺已結正未結正繫囚見徒没爲奴婢及犯

十為擬入朝儀衛也。○巳亥遣使迎新羅使於
筑紫。○庚戌從四位下大伴宿祢旅人為左將
軍從五位上多治比真人廣成從五位下久米
朝臣麻呂為副將軍從四位下石上朝臣豐庭
為右將軍從五位上上毛野朝臣廣人從五位
下栗田朝臣人為副將軍。○十二月戊午少初
位下太朝臣遠建治等率南嶋奄美信覺及球
美等嶋人五十二人至自南嶋。○巳卯新羅使

入京遣從六位下布勢朝臣人正七位上大野
朝臣東人率騎兵一百七十迎於三椅。
靈龜元年春正月甲申朔 天皇御太極殿受
朝 皇太子始加禮拜朝陸奧出羽蝦夷并南嶋
奄美夜久度感信覺球美等來朝各貢方物其
儀朱雀門左右陣列鼓吹騎兵元會之日用鉦
鼓自是始矣。是日東方慶雲見遠江國獻白狐
丹波國獻白鶴。○癸巳 詔曰今年元日皇太

子始拜朝瑞雲頭見。宜天赦天下。但犯八虐私鑄錢盜人常赦所不原者。並不在赦限內外文武官六位以下進位一階。又授二品總績親王。一品志紀親王。從四位下路真人大人。巨勢朝臣。皇治大伴宿祢旅人。石上朝臣豐庭多治真人。三宅麻呂百濟王南典藤原武智麻呂並從四位上。正五位上大伴宿祢男人。太朝臣安麻呂。正五位下當麻真人櫻井。從五位上多治比

真人縣守藤原朝臣房前並從四位下。正五位下曾祢連足佐伯宿祢百足百濟王良真並正五位上。從五位上笠朝臣吉麻呂中臣朝臣人足並正五位下。從五位下臺忌寸少麻呂道君首名並從五位上。從六位上下毛野朝臣石代當麻真人大名紀朝臣清人。從六位下土師宿祢豐麻呂並從五位下。又授二品水高內親王。一品。○甲午三品泉內親王。四品水主內親王。

長谷部内親王益封各一百户○戊戌蝦夷及南嶋七十七人授位有差○巳亥宴百寮主典以上並新羅使金元靜等千中門奏諸方樂宴訖賜祿有差○庚子賜大射千闈新羅使亦在射列賜綿各有差○二月丙辰制尚侍從四位者賜祿准典藏焉○丙寅從五位下大神朝臣忍人爲氏上從四位下當麻真人櫻井卒○丁丑入勅以三品吉備内親主男女皆入皇孫之

例焉○三月壬午朔車駕幸甕原離宮○丙申散位從四位上以田王卒○甲辰金元靜等還蕃勅太宰府賜綿五千四百五十竹船一艘○丙午相摸國足上郡人吏部造智積君子尺麻呂並間里終身勿事旌孝行也○笈四月庚申櫛見山陵生目八日子伊佐元守陵三户伏見山陵天皇四户○庚午諸直丁經二十五年巳上者預考選例憐其勞也○癸酉上村主

通政賜阿刀連○丙子詔叙成選人等位授
從三位粟田朝臣真人正三位正五位下長田
王大神朝臣狛麻呂田口朝臣益人並正五位
上從五位上小治田朝臣安麻呂縣犬養宿祢
筑紫平群朝臣安麻呂並正五位下從五位下
三國真人人足佐味朝臣加作麻呂阿倍朝臣
秋麻呂坂本朝臣阿曾麻呂クサカハ下部宿祢阿倍
老阿倍朝臣安麻呂並從五位上○五月辛巳

朔勸勅諸國朝集使曰天下百姓多背本貫流
宿他鄉規避課役其浮浪逗留經二三日以上者
即云斷輸調庸隨當國法又撫導百姓勸課農
桑心存字育能救飢寒實是國郡之善政也若
有身在公庭心顧私門妨奪農業侵蝕萬民實
是國家之大蠹也宜其勸催產業資產豐足者
為上等雖加催勸衣食短乏者為中等田疇荒
廢百姓飢寒因致死亡者為下等十人以上則

解見任又四民之徒各有其業今失職流散此亦國郡司教導無方甚無謂也有如此類必加顯戮自今以後遣巡察使分行天下觀省風俗宜勤敷德政庶彼周行始今諸國百姓往來過所用當國印焉丹波丹後二國飢賑餼○巳丑始充京職印○壬辰伯耆國言甘露降○甲午詔曰凡諸國運輸調庸各有期限今國司等怠緩違期遂妨耕農運送之民仍致勞擾非是國

郡之善政撫養之惡道也自今以後如有此類以重論之又海路漕庸輒委寮民或已漂失或多濕損是由國司不順先制之所致也自今以後不換改者節級科罪所損之物即徵國司又五兵之用自古尚矣服強懷柔咸因武德今六道諸國營造器仗不甚牢固臨事何用自今以後每年貢樣巡察使出日細為校勘焉○丁巳從六位下畫師忍勝姓改為倭畫師攝津紀伊

武藏越前志摩五國飢賑餼之遠江地震山崩
壅麓玉河水為之不流經數十日潰沒數智長
下石田三郡民家百七十餘區并損苗○し支
太政官奏更定義倉出粟法分為九等語在別
格○壬寅以從三位巨勢朝臣麻呂為中納言
從四位上多治比真人三宅麻呂為左大弁從
四位上巨勢朝臣邑治為右大弁從四位上大
伴宿祢旅人為中務卿從四位下阿倍朝臣首

名為兵部卿從四位上阿部朝臣廣庭為宮内
卿從四位下多治比真人縣守為造宮卿從五
位上大伴宿祢宿奈麻呂為左衛士督正五位
上大神朝臣狛麻呂為武藏守從五位上阿倍
朝臣安麻呂為但馬守從五位下石川朝臣君
子為播磨守從三位多治比真人池守為太宰
帥○丙午參河國地震壞正倉四十七又百姓
庐舍往往陷沒○庚戌移相摸上総常陸上野

武藏下野六國富民千戶配陸奧焉○六月甲寅一品長親王薨天武天皇第四之皇子也○庚申開大倭國都祈山之道○壬戌太政官奏懸儻失度亢旱弥旬恐東旱不耕南畝損稼昔者周王遇旱有雲漢之詩漢帝祈雨興改元之詔人君之願載感上天請奉幣帛祈於諸社使民有年誰知堯力○癸亥設齋於弘福法隆二寺詔遣使奉幣帛于諸社祈雨于名山大

川於是未經數日澍雨滂沱時人以爲聖德感通所致焉因賜百官人祿各有差○丁卯諸國人二十戶移附京職由殖貨也○秋七月庚辰朔日有蝕之○乙丑震行幸甕原離宮賜從五位下紀朝臣淨人數人穀百石優學士也○壬辰授刀舍人狛造千金改賜大狛連○丙午知太政官事一品穗積親王薨遣從四位下石上朝臣豐庭從五位上小野朝臣馬養監護喪事

天武天皇之第五皇子也尾張國人外從八位
上席田君迹近及新羅人七十四家貫于美濃
國始建席田郡焉○八月己未制太宰府官人
家口皆免課役從四位上路真人大人爲太宰
大貳○甲戌京人流宿畿外則貫當國而從事
○丁丑左京人大初位下高田首冬比麻呂獻
靈龜長七寸闊六寸左眼白右眼赤頸著三合
脊負七星前脚並有離卦後脚並有二爻腹下

赤白兩點相次八字○九月己卯詔皇親二
世准五位三世以下准六位禁文武百寮六位
以下用虎豹羆皮金銀飭鞍具并橫力帶端但
朝會日用者許之婦女依父夫蔭服用亦聽之
凡橫刀鍔者以絲纏造勿用素木令脆焉○庚
辰天皇禪位于冰高內親王詔曰乾道統
天文明於是馭曆太寶曰位震極所以居尊昔
者揖讓之君旁求歷試干戈之主繼體秉基貽

厥後昆克隆鼎祚朕君臨天下撫育黎元象上天之保休賴祖宗之遺慶海內晏靜區夏安寧然而兢々之志夙夜不怠冀々之情日慎一日憂勞庶政九載于茲今精華漸衰耆期斯倦深求閑逸高踏風雲釋累遺塵將同脫屣因以此神器欲讓皇太子而守齒幼稚未離深宮庶務多端一凡万機一品冰高內親王早叶祥府夙彰德音天縱寬仁沉靜婉孌華宴載佇詎訟知歸今傳皇帝位於內親王公卿百寮直祗奉以稱朕意焉

續日本紀卷第六

